


Thema: Achtung, Fertig, Fasnacht



Melodie: Unsre liebe Froue

Eusen lieben Frouen us de ganze Schwiiz,
Bringt die Wahl vom Blocher
Gar nüt gschieds.
Die Arbeitsplätz won'er duedschaffe -
Fraue lueged anne -
Allisini Bodygards send nume Manne.

Melodie: Sag mir wo die Blumen sind

Säg mer hät's no Pfanne do?
Oder sind sie scho weg cho?
Säg mer hät's no Pfanne do?
Ich ha no Pünkt.

Es hät niened Pfanne meh,
Weder z China no im Coop.
Es häd niened Pfanne meh,
Das schisst mech a.

Hät's dänn niened Pfanne meh?
Dä Spiritmäldet er häg gseh.
Muess ich jetzt bes zom Mars?
Jetzt müess ich uf dä Mars.

Melodie: Die Nacht ist ohne Ende

D'Nacht isch ohni Endi,
De Himmel ohni Stern,
D'Strosse ohni Wändi,
Ond Aarau liet no fern.
Aha... Niemert do!
Aha.. Immer no.
Aha... Wämmer go?
Aha...

So laufe git halt Hunger,
Zum Glück send mer jetzt do.
S'hät sicher gnueg für alli,
Mer tüend hinde astoh.
Aha... S'got no chli.
Aha... Pastetli
Aha... Jetzt chum i.
Aha ... Nüt isch gsi.

Melodie: Tscharni-Marsch

De Bundespräsident Couchepin
Weiss, was mer muess tue.
Das mer länger schaffe chönd
Söll s'Räntealter ue.
Dä wahri Grund verschwiegt er eus,
Mer säget euch wieso,
Dass d'Rolling Stones mit 67
No id Schwiz chönd cho.

Melodie: Über 7 Brücken musst Du gehn
Über 7 Brugge cha mer go,
Om z' Bade öber d'Limmat z'cho.
Jetzt sött do no e Achti he.
Chasch vor luter Brugge
D'Limmat nümme gseh.

Melodie: die beiden Grenadiere

Is Usland wott de Hakan Jakin.
Är fñhlt sech in Basel wie gfange.
Nach Stuttgart und Paris stoht im de Sinn.
Loder drum Istanbul hange?
Höge schloo, und umtripple chan er guet.
Bim Volk beliebt sii, das isch s'Dritti.
Vo Gägner g'fürchtet und g'achtet sin Muet.
Än sichere Wärt i de Mitti.
Mit all dene Qualitäte - Hei
Wirsch Präsi(dent) vo de CVP

Melodie: Zehntausend Mann

30'000 Lüt, wänd dor die neu Röhre.
30'000 Lüt, die düend enander gspöre.
Tschäderidäng es esch so eng!
Send emmer nonig döre.
Tschäderidäng - s'isch eng!

D'Tochter, die sait:
Ich hät so gärn ä Brotwurscht."
Ihre Brüeder meint:
Ich han en riese cheibe Dorscht."
Tschäderidäng es esch so eng!
Ich han en riese cheibe Dorscht.
Tschäderidäng - s'isch eng!

De Vater isch
Vor Ärger scho ganz grün und blau.
De Vater Schreit:
Ich standscho täglich do im Stau."
Tschäderidäng es esch so eng!
Ich stand do jede Tag im Stau.
Tschäderidäng - s'isch eng!

Geischterbahn esch gschafft,
Ond Chind düend langsam zwängele.
"Chomm mer gönd hei",
Esch d'Mueter scho am drängele.
Tschäderidäng es esch so eng!
D'Mueter esch am drängele.
Tschäderidäng - s'isch eng!!

Abdankung

Melodie: Ds Lied vo de arme Polizeiorgan
S'esch skandalös,
S'esch bodeböös,
S'esch schuderbar.
Abers'esch wahr.

www.goofe.ch